



## تورک

قانون اساسی ایران

ضابطه برنجی

یکری در دنجی اجتماع

۲۰ کانون اول ۱۳۴۰ جمعه ایرتسی

## مدرجات

صحیفه	مدرجات	صحیفه	مدرجات
۲۱۷, ۲۲۸	۶ — زراعتده مستعمل اولوب خارجدن ادخال	۲۱۴	۱ — ضبط سابقه خصوصسی
۲۱۷, ۲۲۹	۷ — تله فون ساترالاری موجود اولان شهرلرده فونوتلغراف اصولنک تطبیق حقنده کی قانون لایحه سنک ایکنجی دفعه رأیه وضعی	۲۱۵	۲ — اوراق وارده :
۲۱۷	۸ — از کلیده ، مبادله تاند بولندیغندن اموال متروکه دن اولسی لازم کن کومور اوچاقلرنده کی حقوق خزیننه تک تعقیب ایدیلوب ایدلدیکی و ۶۳ نومروی کومور اوچاغنک فراغ معامله سنک صورت جریانی حقنده کیره سون مبعوثی حق طازق بک مالیه و تجارت وکالتلرندن سؤالی	۲۱۵	تکلیف قانونی
۲۱۷	۹ — کوموشخانه تک کلکتی قضا سنده اجرا ایدلمکده اولان انتخاباته دائر کوموشخانه مبعوثی ذکی بک داخلیه وکالتلندن سؤالی	۲۱۵	تکلیف قانونی
۲۱۷	۱۰ — ۳۴۰ سنه سی طرفنده احاله ویا امانت صورتیه نه مقدار پول انشا و تعمیر ایدلدیکنه دائر قیصری مبعوثی احمد حلی بک ناقمه وکالتلندن شفاهی سؤال تقریری	۲۱۵	مضبطلر
۲۱۵	۱۱ — اختلافات دوله تک حکم اصولیه حلی	۲۱۵	۲ — بحریه وکالتی تشکیله دائر قسطمونی مبعوثی علی رضا بک و رفقا سنک ۲۳۸ نومروی تکلیف قانونی ومدافعه ملیه وموازنه مالیه انجمنلری مضبطلری تقریرلر
		۲۱۵	۳ — بحریه وکالتی تشکیله دائر اولان تکلیف قانونی تک مستعجلتله مذاکره سی حقنده اردو مبعوثی رجائی بک تقریری
		۲۱۷	۴ — آطنه قورتولوش بارامنه اشتراک ایده جک هیئت خرج راه ویراهه سنه دائر ماردین مبعوثی نجیب بک تقریری
			اوراق سائر
		۲۱۶	۵ — آطنه تک بش کانون نایده اجرا ایدله جک قورتولوش بارامنه یکن سنه اولدینی کبی بوسنه دخی مجلس عالی تک برهیت مخصوصه اعزای صورتیه اشتراک کنه دائر آطنه بلدی ریاستلندن موزود تلغرافنامه

صفحہ

صفحہ

۲۱۵ زراعت باقہ سی مامورلی کی مؤجلت عسکرہ ویرکوسی ایلہ مکفیتلری ۳۳۱ نومرولی آوانس قانونیہ قبول ایداش ایسده بونک ماقبلنه ده شمولى اولوب اولادینده تردد حاصل اولدیندن تفسیرینه دائر باش وکالتدن مورود ۲/۲۷۳ نومرولی تذکره و قوانین مالیه و موازنه مالیه انجمنلری مضطهلری

۲۱۸ ۴ — ۲۰ شباط ۱۳۴۰ تاریخ و ۴۱۸ نومرولی قانونه بر ماده مذیله علاوه سی ویا مذکور قانونک تفسیری حقنده ۴/۲۷۵ نومرولی باش وکالت تذکره سی و قوانین مالیه و موازنه مالیه انجمنلری مضطهلری

۲۲۴

۲۱۵ حقنده جنوره ده اتخاذ اولنان مقرراته دائر بوز اوق مبعوثی هونی بکک باش وکالتدن سوال تفریری

۲۱۸ ۳ — مذاکره ایریلنه مواد :

۱ — فرق کلیسا اسمنک « قرقطرایلی » نه تحویلی حقنده فرق کلیسا مبعوثی دو قنور قواد بکک تفریری و داخلیه انجمنی مضطهلری

۲ — محسوب هموی قانونک اوچنجی ماده سنک تفسیرینه دائر باش وکالتدن مورود ۴/۳۰۸ نومرولی تذکره و موازنه مالیه انجمنی مضطهلری

۳ — عنانی اعتبار ملی باقہ سی مامورلرینک

۲۲۶

برنجی جلسہ

برأ مذاکرات  
دقیقه ۲۰  
ساعت ۲

[ رئیس — کاظم پاشا ]

کابلر : حقیک (وان) ، عونی بک (بوز اوق)

-----

۱ — ضبط سابقه خصوصی :

رئیس — جلسہ بی آچورم. ضبط سابق خلاصہ سی اوقونہ حق :

يکری اوچنجی اجتماع

۱۸ کانون اول ۱۳۴۰ پنجشنبه

-----

برنجی جلسہ

کاظم پاشانک تحت ریاستلریده انمقاد ایدرک ضبط سابق خلاصہ سی قرائت و عیناً قبول و اوراق وارده تاند اولدقلری محالره حواله اولندی .

برنجی آوانس قانونک دردیجی ماده سنه متعلق قوانین مالیه و موازنه مالیه انجمنلری مضطهلری ایله بور قصبه سنه جلب و اساله قانمقده اولان صو ایچون طلب اولنان تخصیصاتک ردی حقنده موازنه مالیه انجمنی مضطهلری و ایکی شخصک حقوقی ممنوعه لرینک اعاده سنه دائر عدلیه انجمنی مضطهلری قرائت و قبول ایدلدی .

معدن قانونی لایحه سیله خیانت حربیه ماده سنیدن

محکوم بر شخص حقنده کی اوزاقک لزوم اعاده سی حقنده باش وکالت تذکره لری قرائت اولندی .

اعضای کرامدن بعض ذواتک مأذونیتلرینه و اخیراً مبعوثلقدن استعفا ایدن سید بکک وضعیت حقوقیه سنه دائر دیوان ریاست قرارلری قرائت و قبول ایدلدی .

استانبولده خلیج واپورلری شر کتنده چالیشان چراق عنوانلی ایشجیلر حقنده زونفولداق مبعوثی طونولی حلنی بکک سوالنه تجارت و کیلی علی جنانی بکک جوابی استماع اولندی .

بعده زراعتده مستعمل مواد مشطهلک کمرک رسمنه متدائر قانونی معدل لایحه قانونیه تک مذاکره سنه ابتدار

۲ - اورای وارد

تکلیف

۱ - اونیه - نیکسار یولنک طرق عمومیه میانته ادخالنه دائر اوردو مبعوثی فائق بک و آلتی رفیقنک تکلیف قانونیسی لایحه انجمنه ،

مضبطلر

۲ - بحریه وکالتی تشکیلنه دائر قسطنطنی مبعوثی علی رضا بک و رفقا سنک  $\frac{۲}{۳۳۸}$  نومرولی تکلیف قانونیسی ومدافعه ملیه وموازنه مالیه انجمنلری مضبطلری یونک ایچون برده مستعجلیت تکلیفی وارد .

تقریرلر

ریاست جلیلهیه

۳ - بحریه وکالتی تشکیلی حقننده کی قانونک مستعجلاً مذاکره ایدلسنی تکلیف ایدرم .

کیره سون اردو

کاظم رجائی

رئیس - افندم ! بو قانونک مستعجلاً مذاکره سنی قبول ایدنلر . .

علی رضابک ( قسطنطنی ) - افندم ! اول امرده طبع ایدلسونده اسباب موجب سنی ده کورهلم ، مجلس عالی طبیعی بیلمه یور .

رئیس - افندم ! مستعجلیت تکلیفی وارد . بونی رایه قویاجتم

فریدون فیکری بک ( درسم ) - پاشاحضرتلری ؛ رایه قوناماز !

رئیس - قونولور افندم ! مجلس عالی قرار ویرر . مستعجلیت ویا غیر مستعجلیت حقننده برقرار ویریلیر مستعجلیت دیمک همان مذاکره ایتمک دیمک دکلدیر .

برکره مستعجل روزنامه به آلتیر ، درحال مذاکره سنی آیرجه بر مسئله در . او آیری رایه قونور .

فریدون فیکری بک ( درسم ) - خایرافندم ، آیری مسئله دکلدیر .

رئیس - اصول بویله در افندم ! مستعجلاً مذاکره سنی

ایدلدی وجریان ایدن مذاکره نتیجه سننده برنجی ماده نظر دفته آلتان تقریرلر کوره تعدیل ایدلمک اوزره انجمنه تودیع و برای تنفس جلسه تعطیل اولوندی .

ایکنجی جلسه

کاظم پاشا طرفندن کشاد ایدیلرک زراعتده مستعمل مواد مشتمله بک کومروک رسمی حقننده کی قانونی معدل قانون لایحه سنک انجمندن، تعدیلاً کلن برنجی ماده سی قرائت و قبول ایدلدیکی کی دیگر ماده لر دخی عیناً قبول اولندی . قانونک هیئت عمومیه سی ایسه تعیین اسامی ایله رایه وضع ایدلدی .

بعده معارف وکالتک ۳۴۰ بودجه سننده واقع اولان ذهول حقننده موازنه مالیه انجمنی مضبطلری قرائت و عیناً قبول اولندی .

متعاقباًه داخلیه وکیل رجب بک طلب و تکلیفی اوزرینه ، تلفون سانتراللری موجود اولان شهرلرده فونو تلغراف اصولنک تطبیقنه متدائر قانون لایحه سنک مذاکره سنه باشلانورق مواد قانونیه بک بریسی تعدیلاً دیگرلری عیناً قبول و قانونک هیئت عمومیه سی تعیین اسامی ایله رایه وضع ایدلدی . تصنیف آرا نتیجه سننده هراییکی قانون حقننده نصاب آرا موجود اولمادیغنی آکلاشیلررق جمعه ایرتنی کونی اجتماع ایدلمک اوزره جلسه تعطیل اولوندی .

سؤاللر

۱۰ - ۳۴۰ سنه سی ظرفنده احاله ویا امانت صورتیه نه مقدار یول انشا و تعمیر ایدلدیکنه و سائریه دائر قیصری مبعوثی احمد حللی بک شفاهی سؤال تقریری ، نافع وکالتنه ؛

۱۱ - اختلافات دولیه بک حکم اصولیه حلی حقننده جنورده اتحاد اولونان مقرراته دائر بوزاق مبعوثی عونو بک سؤال تقریری باش وکالتنه حواله ایدلمشدر ، ضبط سابق حقننده مطالعه وازمی افندم (خایر سنسلیری) ضبط سابق عیناً قبول ایدلمشدره

طلعت بك (آدهان) - رئیس پاشا حضرتلری  
ذاتاً انجمنكرك اكثریمی مأذوندر، اکثریتی تأمین ایدہ۔  
میورز. بناءً علیہ ایکی کیشی دیواندن اوج کیشی دہ  
مجلس عالیدن اولورسہ دہا مناسبدر .

رئیس - اقدام! دیواندن ایکی کیشی اعضادن دہ  
اوج کیشی کیمہ سنی تکلیف ایدیورلر، (کورولتیلر)  
ضمیر بك (آطنہ) - پاشا حضرتلری! کچن سنہ دن  
تعامل واردر. اون ایکی کیشی کیمہ شددر .

اسماعیل کمال بك (چوروم) - بلا خر جراه  
کیشونلر اقدام! تکلیف ایدیورم .

طلعت بك (آردهان) - اوزمان کیمسہ کیمز اقدام!  
وہی بك (قرہ سی) - رئیس پاشا! نظامنامہ مزہ  
کورہ معاملہ پاپارز. دیواندن کیدہ جکرہ معیندر. مجلس دہ  
قاچ کیشی قبول اولونورسہ او قدر کیدر .

رئیس - اقدام! دیواندن کیدہ جک اولانلر درت  
کیشیدر، بو معیندر؛ ہیئت عمومیہ دن اولجہ اولدینی کچی  
آتی کیشی کیمہ سنی قبول ایدنلر لطفاً آل قالدیرسون!  
اقدام! آتی کیشینک کیمہ سنی قبول ایتمہ یئلر آل قالدیرسون!  
(دہا آزمی دہا چوقمی کیدہ جک عکسنی اوکا کورہ رأیہ  
قویق لازمدر سسلری) اقدام! آتی کیشی قبول ایدلشددر.  
قرعہ چکیلہ جکدر .

اسماعیل کمال بك (چوروم) - بندہ کز بلاخر جراه  
کیدلسنی تکلیف ایدیورم .

رئیس - او آیری بر مسئلہ دز. قرعہ چکیورز:  
کاظم پاشا (قرہ سی) - (خندہ لر، آلقیشلر)  
قلبیج علی بك (غازی عینتاب) - او صاییلماز  
پاشام .

رئیس - صرف نظر ایدیورز اقدام. حالت بك  
(ارضروم) حیدر عادل بك (قرہ سی) اسماعیل کمال  
بك (چوروم)

اسماعیل کمال بك (چوروم) - بلاخر جراه کیدہ جکم  
رئیس - عطا بك (نیکدہ) (مأذوندر سسلری)  
عثمان نیازی بك (قرہ سی)

قبول ایدنلر آل قالدیرسون! قبول ایتمہ یئلر آل قالدیر-  
سون! مستعجلیتلہ مذاکرہ سی قبول ایدلہ شددر .  
یعنی قانون ایکی دفعہ مذاکرہ ایدلہ جکدر. روزنامہ یہ  
آیورز .

ادراق سائرہ

۵ - آطنہ نك بش کانون نانیدہ اجرا ایدلہ جک  
قورتولوش بایرامنہ کچن سنہ اولدینی کچی بوسنہ دخی مجلس  
عالینک بر ہیئت مخصوصہ اعزای صورتیلہ اشتراکنہ  
دائر آطنہ بلدیہ ریاستندن مورود تلغرافنامہ واردر .

آقرہ دہ بویوک ملت مجلسی ریاست جلیلہ سنہ  
آطنہ مزک بش کانون ثانیہ مصادف قورتولوش بایرامنہ  
کچن سنہ اولدینی کچی بوسنہ دخی مجلس عالینک بر ہیئت  
مخصوصہ اعزای صورتیلہ اشتراک بویورماسی بوتون  
أهالی مملکت نامنہ استرحام اولونور اقدام .

آطنہ بلدیہ رئیس

علی مینف

رئیس - اقدام! آطنہ یہ بر ہیئت مخصوصہ اعزای  
قبول ایدنلر آل قالدیرسون، قبول ایتمہ یئلر آل قالدیرسون!  
(آکلاشلما دی سسلری)

اقدام! بر کرہ دہا رأیکزہ عرض ایده جکم .  
آطنہ نك قورتولوش بایرامی مناسبیتیلہ مجلس عالی  
نامنہ بر ہیئت اعزای آرزو ایدیور. بونی رأیکزہ  
قویاجم! ہیئتک اعزای قبول ایدنلر لطفاً آل قالدیرسون،  
قبول ایتمہ یئلر لطفاً آل قالدیرسون. قبول ایدلشددر .  
(قبول ایلدی سسلری؛ آیاغہ قالمق صورتیلہ رأیہ  
وضع ایدیکنز سسلری) قبول ایدنلر آیاغہ قالسون! قبول  
ایتمہ یئلر آیاغہ قالسون! قبول ایدلشددر اقدام. (ملتک پارہ سی  
یوقدر سسلری کورلتیلر) آرتق سوز یوق اقدام، قبول  
ایلدی، اقدام بر معتاد بو کچی مراسمہ دیواندن اوج  
ویا درت کیشی مجلسندن آتی کیشی اشتراک ایدیوردی .  
(کورولتیلر) (چوقدر سسلری، ایکی کیشی کافی سسلری  
کاظم وہی بك (ارغنی) - بلا خر جراه رئیس  
پاشا حضرتلری؛ بلا خر جراه .

ایکنجی جلسہ

برأ مذاکرات

دقیقہ ساعت .

۳ ۳۰

[رئیس - کانظم پاشا]

کاتب - حق بک ( وان ) ، راغب بک ( زونفولداق )

رئیس - جلسہ یی آچوروم .

فونو تاغراف اصولنک تطبیق حقنہ کی قانون

لایحہ سی ایچون ۱۵۲ ذات رایہ اشتراک ایتشدرد . معاملہ

تمامدر . ۱۴۸ قبول ، ۲ رد ، ۲ مستنکف واردر .

شوالده قانون ۱۴۸ رای ابلہ قبول ایدلشدرد .

زراعتده مستعمل آلات وادواتک کمرک رسندن

استثناسی حقنہ کی قانون لایحہ سی ایچون ۱۵۳ کیشی رایہ

اشتراک ایتشدرد ، ۱۵۳ قبول واردر . بناء علیہ قانون

متفقاً قبول ایدلشدرد .

سؤالر

۸ - ارکلیدہ ، مبادلرہ طائد بولوندیضدن ، اموال

متروکدن اولسی لازم کن کومور اوجاقرندہ کی حقوق

خزینہ نک تعقیب ایدیلوب ایدلہ دیکی و ۶۳ نومورولی کومور

اوجانگنک فراغ معاملہ سنک صورت جریانی حقنہ کیرہ سون

مبعوثی حق طارق بک مالیه و تجارت وکیلرندن سؤالی .

رئیس - حق طارق بک مالیه و تجارت وکیلرندن

سؤالی واردر .

تجارت وکیل علی جنانی بک ( غازی عینتاب ) -

حق طارق بک سؤالہ جواب ویرمک اوزرہ بعض

تدقیقاتده بولونیوروم . ارکلی بہ یازدم ، هنوز جواب

کلمہ مشدر . ایکی کون دہامساعدہ کزی رجا ایدیوروم .

رئیس - افندم تجارت وکیل بک ایکی کون سوکرہ

حق طارق بک سؤالرینہ جواب ویرہ جکلردر .

( های های سسلی ) .

۹ - کوموشخانہ نک ملکیت قضا سنده اجرا ایدلنکده

اولان انتخابانہ دائر کوموشخانہ مبعوثی ذی بک داخلہ

وکالتندن سؤالی :

قلینج علی بک ( غازی عینتاب ) - پاشام التماس

ایدیورسک ؛ برده بزم طرفدن

رئیس - حافظ ابراهیم افندی ( اسپارطه ) مصطفی

بک ( توقاد ) ( خندہ لر ، آلقیشلر ) ماردین مبعوثی

نجیب بک برقریری واردر .

ریاست جلیلہ یہ

۴ - آطنہ یہ کیدہ جک ہیئتہ خرجراہ ویرلماسنی

تکلیف ایلرم . ماردین

نجیب

رئیس - افندم! ہیئتہ اصولاً خرجراہ ویریلور .

فقط برقریر ویرلمشدر . بونی آروجه رایہ قویاجنز .

صبری بک ( صاروخان ) - اصول و تعاملہ قارشی

حسیاتہ مقلوب اولہرق . . . ( کورولتیلر ) شیمدی بہ

قدر ناصل ایسہ شیمدی دہ اولہ ویرلمیدر .

کانظم وہی بک ( ارغنی ) - صمیمی اختلافانده کی

حسنلری پارہ ایلمی اولچہ جکز ، پارہ ندمیکدر . اختلافہ

التحاق ایچون آطنہ یہ کیدیور . خرجراہ ویرمک

ندیمیکدر ؟ ( کورولتیلر ، رایہ سسلی )

رئیس - افندم مانامکہ رایہ قونولماسی تکلیف

ایدیلور . خرجراہ ویرلمہ مسنی قبول ایدنلر لطفاً آل قالدیرسون!

قلینج علی بک ( غازی عینتاب ) - رد ، رد

رئیس - خرجراہ ویرلمسنی قبول ایدنلر لطفاً آل

قالدیرسون! خرجراہ ویرلمہ مسنی قبول ایدلشدرد . ( آلقیشلر )

۷،۶ - اوراق واردہ نک آلتنجی ویدنجی رای

استحصالی مادہ لری تکرار رایہ عرض ایدیلہ جکلر .

یوقلمہ صورتیلہ و تعیین اسامی ابلہ بوایکی قانون آیری

آیری قوطولرلہ رایہ عرض ایدیلہ جکلر . افندم هنوز

رایلرخی استعمال ایتہینلر لطفاً استعمال بویورسونلر ؛

استحصال آرا ختام بولمشدر افندم . اون دقیقه نفس

ایتمک اوزرہ جلسہ یی تعطیل ایدیوروم .

ختام جلسہ

دقیقہ ساعت

۳

داخله وکيلي رجب بك (کوتاهيه) - افندم ا  
 قرق کليسا ولايت اسمنک (قرقر ايلي) نه تحويل  
 مسئله سي ، داخله انجمنده مذاکره ايديليرکن فريدون  
 فکري بکک بحث ايتدکري مسئله انجمن آرقداشلي  
 طرفدن اهميته موضوع بحث ايدلي . حقيقه بومسئله  
 يالکز برولايت و برقضيه عائد دکلدر . مملکتک برچوق  
 اقسامنده ولايت ، قضا ، ناحيه ، کوي والکنهيات بش  
 خانلي کوچوک کويلره وارنجهيه قدر بواسم مسئله سي  
 موضوع بحث اولدي . بونکله برابر وکالت ، معين بر  
 ليسته طوموق اوزره تشبثانده بولندي . بونلري تثبيت  
 ايدتيور . فقط شو قدر واردرکه - ديگر بر مسئله  
 مذاکره ايديليرکن بالمناصبه عرض ايتديکم وجهه له -  
 بوتون بواسملر ، برآنده تبديل ايدليکي تقديرده مملکت  
 وضعت جغرافيه سنده اويله برمنظره حاصل اوله جقدرکه ...  
 اجبال ، اوزمان آرقداشلي بربريني غائب ايدجکلر  
 (خنده لر)

محترم آرقداشلي ! بوتون مملکتده - کويلره وارنجهيه  
 قدر - اسملرينک تبديلي لازم کلن محللرک مقداري نه  
 قدر چوق اولديغي بيليروتخمين ايدرسکلر بو ، برآنده  
 ياپيلنجه ، مملکت اچروسنده پوسته خدماتي ، نفوس خدماتي -  
 وراثت مسئله لري قيودات وسائر ، خلاصه بتون معاملات  
 اچندن چيقلماز بر کشمکش منظره سي عرض ايتک  
 مجبوريتنده قاله جقدر . اونک ايچون بو بيوک مسئله يي  
 مسائل متفرعه عدايمه بوب شمول عموميه يي اوزرنده مطالعه  
 ايتک و نتیجهيه دوغري تدریجاً يورومک ده موافق  
 ودها فائده لي اوله جقدر . انجمنده آرقداشله کوروشدم  
 وشمديک يالکز ولايت وقضا اسملرينک يواش يواش  
 تبديله باشلانسي ، ناحيه وقریه اسملرينک تبديله هنوز  
 کچيله سي مطالعه سي درميان ورجا ايتدم . انجمنده کي  
 رفقادن بعضيلري طرفدن ناحيه تک دخي اسملرينک بوميانه  
 ادخال وکويلرک شمديلک تأخيري تکليفي واقع اولدي .  
 فقط قطعي برقراره واصل اولماق .  
 انجمنک بر فکري ، بروجه سي اوله رق بومذا کره دن

رئيس - افندم! - ، کوموشخانه مبعوثي ذکي  
 بکک داخله وکالتدن سؤالي واردر :

داخله وکيلي رجب بك - افندم! بحث بو يوردقري  
 مسئله ، کلکيتده والينک انتخاباته مداخله ايتديکنه دائر بر  
 سؤالدر . بوسؤال بو کون وکالته تبليغ اولمشدر . بنده کز بو کونه  
 قدر بو سؤاله مطلع دکلدم . مسئله يي تدقيق ايدره ک نتيجه يه  
 واصل اولديغ زمان عرض ايدرم .

ذکي بك (کوشخانه) - صوکره مي جواب ويره جکلر؟  
 رئيس - وکيل بك ، بو کون جواب ويره ميه جکلره  
 دها تحقيقاتي ياپمه مش ، بوندن صوکره کي جلسه ده جواب  
 ويره جکلر .

۳ - مذاکره ايديله مواد :

۱ - قرق کليسا قصبه سنک (قرقر ايلي) نامه تحويلي  
 هفتده قرق کليسا مبعوثي درقنور فؤاد بکک تقريري  
 وداخله انجمنی مضطرب سنک ايگنجي مذاکره سي :

ماده ۱ - (قرق کليسا) اسمي (قرقر ايلي) نه تحويل  
 ايدلشدر .

ماده ۲ - اشبو قانون تاريخ نشرندن معتبردر .

ماده ۳ - اشبو قانونک اجرا سنه داخله وکيلي  
 مأموردر .

فريدون فکري بك (درسم) - افندم! بو قانونک  
 مذاکره سي مناسبته داخله وکيلي بکلن بر رجاده بولنه جغم .  
 اوده ، مثلاً بزم دائره انتخابيه من اولان درسمده  
 بعض ناحيه سرکلر لري واردر . مثلاً (باش وارطانيک)  
 کهي ... (وارطان) ک ارمني اسمي اولديغي معلوم عاليکلر در .  
 مجلس عموميلر بونلرک تعديل و تبديله قرار و يردکلري  
 حالده ، هر نه دنسه بو قرارلر تطبيق اولمايور .  
 بناء عليه بويله غير ملي اسملرک دوام و بقايي جائز  
 دکلدر . داخله وکيلي بک مجلس عموميلرک و يردکلري  
 بو قرارلرک تطبيق ايتديرلسي خصوصنده برآز  
 همت بو يورسونلر . تاکه ، بويله لاملي اسملر ،  
 مملکتتمزک کوزل قصبه لرينه تأثير تضيقکار و يرمه سوز .  
 کنديلرندن بوني رجا ايديورم .

سویله ۱۰ ایستہ دیکم شی ، بر طاقم اسمار واردرکہ  
یا قیشقسز کورینور . بونلر تبدیل ایدلسون دیدم .  
یوقسه بونلرک هپسنگ بردن همان تبدیلی خصوصنی  
سویله مدم . مثلاً « وارطانیك » کی ملتله هیچ مناسبتی  
اولیان بعض اسمار واردرکہ بونلر تبدیل ایدلسون  
دیدم .

اساساً بوکیلرک اسمارینک تبدیلی ایچون مجلس  
عمومیلرجه ویریلش قرارلر واردر .  
فقط هنوز بوقرارلر تطبیق اولمہ مشدر . اونک ایچون ،  
مجلس عمومیلرجه ویریلش اولان بوقرارلرک بر آن اول  
تطبیقی ایچون طرف عالیکزدن مؤثر بر تبلیغات یا بیلورسہ  
ظن ایدرم نتیجه حاصل اولور ویکي اسملرک یانہه اسی  
اسملر یازلق صورتیلده خلق انستی تأمین ایدیلہ بیلور  
ظننہیم .

داخلیه وکیلی رجب بک ( کوتاہیه ) — اقدم ! اسم  
تبدیلی مسئلہسی ذاتاً بیوردقلری کی غیر ملی اولدیغندن  
دولاییدر . یوقسه ظن ایستکری و بیوردقلری کی ظریف  
اولدیغندن و یا قیشقسز لغندن دولای مملکتلرک اسملرینک  
تبدیلی ظن ایدرم کہ چوق غریب بر مطالعه اولور . داخلیه  
وکالتی ، ہرہانجی براسمک یا قیشقسز لغندن دولای تبدیلیہ  
طرفدار دکلدر . یالکیز حقیقہ غیر ملی اولان وغیر ملی  
معنای افادہ ایدن و بیوردقلری کی خلقک تحسبات  
ملیہ سنی رنجیدہ و تخریش ایدن اسملرک مقصداری دخی  
عرض ایستدیکم کی مملکتک وضعیت عمومیہ جغرافیہ جہنی  
بر آندہ آلت اوست ایدہ جک قدر چوقدر . بناء علیہ  
بیوردقلری کی ہرہانجی بر مقامہ داخلیه وکالتی « قرارلر  
ویریکز ، اجرا آندہ بولنیکز ، دیہہ تبلیغاتدہ بولنورسہ  
بویله آنی تبدل نتیجه دہ عرض ایستدیکم ماہیتی اکتساب  
ایدر .

حالبوکہ محترم آرقداشلر بیلیرلرکہ بر قضا ، بر ناحیہ ،  
برکوی خلقی یالکیز کندیسنی دوشونور . بتون قضالردن  
ولایتلردن ترک ایدن تورک و وطنک وضعیت عمومیہ سندہ  
حاصل اولہ حق نتیجه جہنی مطالعه ایدہ من و بوندن متولد

داخلیه وکالتی معنوی بر فائدہ استحصال ایتدی . زمان  
زمان بعض رفقا بعض قانونلرک مذاکرہسی مناسبتیلہ  
بو فکری افادہ ایتدیلر و بوکرسیدن نقطہ نظرلرینی  
درمیان بیوردیلر . بندہ کزده عرض ایدیورم کہ داخلیه  
وکالتک بومسلئہ حقندہ کی نقطہ نظری دہ ہم عرض ایستدیکم  
شکلده در . بوایشی عمومی برایش یا ہرق کشمکش وجودہ  
کتیر مکدن احتراز ایدہم . فقط مقصدی استحصال و بو  
غایہ وارہ بیلیمک ایچون دہ تدریجاً یواش یواش کیدہ جکز .  
صکرہ محترم آرقداشلر ! اہمیتلہ دیگر بر نقطہ نظر  
دخی عرض ایتمک ایسترم . اودہ اسملرک تبدیلندہ چوق  
دقتنی بولونمق لازمدر .

اسملرک علمی ، تاریخی قیمتی اولہ بیلور . مثلاً بو زغادولایتی  
بوزاوقہ تحویلی ایدلدی . بومناسبتلہ غن تہلر دہ جریان ایدن منہ  
قشائی و تدقیقات تاریخیہ یہ مستند اولان ادعایر ، رفقای محترمه  
در خاطر بیورلر . بر ولایت اسمنک تبدیلندہ بو قدر  
چوق مذاکرات ، مناقشات جریان ایتدیکی نظر دقتہ  
آلورسہ ، دیگر تبدیل ایدیلہ جک اولان محلاتک  
اسملرینک تبدیلی مسئلہ سندہ آبی یا بیورز دیرکن  
یا کشلغہ کتیمہ مک ایچون چوق آبی دوشونمک و تدا بیر مخصوصہ  
اتخاذ ایتمک لازمدر . ایستہ داخلیه وکالتی عرض ایستدیکم  
تبدیلاتی تدریجی اولہرق یا ہقی خصوصنی نظر دقتہ آلیرکن  
عینی زمانہہ مسئلہ نک علمی و تاریخی نقطہ نظر دندہ  
امکان بخش ایدہ جک بر زمین تدقیق احضار ایدہ جکدر ،  
بونک ایچون بالخاصہ بندہ کز بو خصوصہ ساح رفت  
بک کی ارباب معلومات و تدقیق اولان کزیدہ آرقداشلر  
ایلہ خارجدن دیگر بر طاقم ذوانی بر رجای مخصوصہ  
بویلہ اشتغالاتہ سوق ایدہ جکم . داخلیه وکالتک احضارات  
ابتدائیہسی ایلہ ہیتمک یا ہجہنی تدقیقات نتیجه سندہ الہ  
ایدیلہ جک نتیجی تدریجاً و اصولی دہ ابرہ سندہ ہضم ایتدیرہ رک  
تطبیق ایتمک فکرنہیم . فریدون فکری بکک صور دینی  
سؤال حقندہ داخلیه وکالتک فکری ، معروضاتمدن  
عبارتدر .

فریدون فکری بک ( درس ) — اقدم ! بندہ کزک

جنرفایا کتابلرینک و اوکتابلرده کی محیفه لرك دخی آلت اوست اولدیفنی کورمکله دائماً فکرلرنی آلت اوست می ایده جکزه ؟ ندریج تکاملی دینلان کله لرك مناسنی بن بشقه شیده بولورم . بناء علیه بومسئله ده ندریجه ، ینه وکیل بکک مخالفلری اولق اوزره ، بنده کز قطعاً احتیاج بولیورم و بیوردقلری کبی مملکت ، غیرملی و غیر تورک اسمارله دولو دکادر افندی .

کاظم وهی بک ( ارغنی ) - سوز ایستبورم افندم .  
( اوله ماز سسلری )

رئیس - افندم ! قانونک برنجی مذاکره سی بیتمشدر .  
تعديلنامه ویررسکیز .

کاظم وهی بک ( ارغنی ) - اصول حقنده سوبله جکم افندم حقیقه بزم مملکت مزده حس ملیمزی رنجیده ایده جک اسمار واردر . مساعده بیوریلیرسه بنده کزده بو خصوصده بر تمئیده بولنه جف . ( برنجی مذاکره سی بیتمشدر اوله ماز سسلری . )

مجلس عالی کز سمیح در . بنده کز حقنده ممشک طاورانه جفنی تصور ایده میورم . افندی ، بالخاصه خرسیتیان ظلمنک تمثال شامتی اولان بو ( کلیسا ) کله سنی بنده کز قطعاً قبول ایده میورم و دوغری بولیورم . بو منجوس اسم مملکتک هر طرفنده موجوددر . بزم دائرة انتخابیه مزده دخی ( کلیسا ) نامنی طاشیان بر طاقم کویلر واردر . وطن ایدیورم که ده بر چوق دواتر انتخابیه ده ( کلیسا ) نامنی طاشیان کویلر موجوددر . بناء علیه داخلیه وکانتندن رجا ایده رم . ذاتاً مجلس عمومیلرک اسم دکیشدیرمه صلاحیتلری واردر ( کلیسا ) اولان اسمارک در حال تبدیلی بر تعمیم ایله ولایتلره بیلدیرسینلر بو اسمارک هپسنی تبدیل ایتدیرسونلر .

ساح رفعت بک ( بیغا ) - سوز ایستبورم .

رئیس - نه حقنده ؟ ( اصول حقنده سسلری )

ساح رفعت بک ( بیغا ) - اصول حقنده افندم .

رئیس - بویورک !

ساح رفعت بک ( بیغا ) - افندم ! داخلیه وکیل بک

مخدوری کورمز . بناء علیه عمومی صورتده تبدله منتهی بولده ، عرض ایتمدیکم تدقیقات یا بیلمه دن تشویقکارانه بول آجق ظن عاجزی به کوره دها موافق اولور .

اونک ایچون بیوردقلری شکلده حرکت ایتمکی موافق بوله یورم .

قدری احمد بک ( سیوه رک ) - بک افندی ! بو اسماری تبدیل ایتمک مجلس عمومیلرک صلاحیتی داخلنده دقل میدر و بو صلاحیتی استعمال ایتمه جکرمی در ؟

احمد شکری بک ( درسم ) - افندم ! بعض اسمارک دکیشدیریله سی ایچون العزیز مجلس عمومیسنجه قرار ویریلشدر .

داخلیه وکیل رجب بک ( کوتاهیه ) - افندم ! هیچ کیمسه نک هیچ کیمسه نی ، صلاحیتی داخلنده اولان معاملات یا مقصدن منع ایتمک حق بوقدر . یالکز برده واردر که بتون بو ایثی بر دولت ایثی کبی مرکز دن اداره ایدوب عمومی استقا . متلردن سوق ایتمک مسئله سی واردر . هر کس کندنی صلاحیتی داخلنده اولان بر ایثی محئنده یابار و صلاحیتی داخلنده اولان بر شیشی نیچون یا بدیکز دیسه مؤاخذه ایتمکده هیچ بر مقامک صلاحیتی بوقدر . یالکز شو وارکه ، مجرای تبدیل ایده جک ماهیتده حرکت ایدرسه ک مملکتده چوق بیوک تشنات و قوع بولور . عاله حیاتی ، بتون حقوق مدنییه ، نفوس معاملاتی ، وراثت و سائره ایچندن چیقلماز بر منظره عرض ایدر . بوندن نحدرا تمک وکیل طبیعی بر وظیفه سیدر .

طونه لی حلمی ( زونفولداق ) - چوق تأسف ایدرم که وکیل بکک ال اساسلی عد ایتمکلی بر نقطه یه بک دریندن مخالف بولنیورم .

آرقداشلر ! بر برینی تعقیب ایدن محاربه لر و محاربه لرک باطخاصه الک آرزغنی اولان جهسان حربی ، جهسان خریطه لرینی ، حدودلرنی و سائره سنی آلت اوست ایتمدی . مملکت مزده ده بو آلت اوست میدانه کلشدر . بناء علیه وکیل بکک بیوردقلری اصول و اساس تعقیب ایذیله جک اولورسه چوققلر مزک عجبا بیللر و بیللرجه



طاشمقدمہ در . ولایتک تاریخہ، ملی عنعنہ سنہ دھا او یغون  
تلفظی دھا قولای بر اسمک بولنوب بولونامیہ جنی  
صلاحیتدار بر ہیئت علمیہ جہ تدقیق ایدلمدکجہ دکشیدر۔  
لمسنک دوعری اولامیہ جنی قناعتندیم .

( قرق کلیسا ) دن باشقہ تبدیلی ایجاب ایدن مملکت  
اسملریلہ برلرینہ کتیریلہ جککرتک تثبیت وطوپدن مجلس  
عالی بہ سوتوقی دھا موافق اوله جفندن برنجی مادہ نک  
تعذیلنی تکلیف ایدرم .

قونیه

نعیم حازم

رئیس — اقدم ! تعذیل تکلیفی رأیکزہ عرض  
ایدیوروم . نظر دقنہ آانلر لطفاً ال قالدیرسون !  
( آکلاشلمدی سسلری )

نعیم حازم افندی ( قونیه ) — افندی ! تقریری  
ایضاح ایدیم .

روشن اشرف بک ( قره حصار صاحب ) — کافی  
درجہ آکلاشلمدی . ایضاحہ حاجت بوق .

رئیس — اقدم ! تقریر صاحبک ایضاحہ حق  
واردر . بیوریکز نعیم حازم افندی !

نعیم حازم افندی ( قونیه ) — اقدم ! بورادہ  
دوقتور فؤادبکک بر سطرلق بر تکلیفی واردر :

« قرق کلیسا اسمنک قرقلرایلنہ تبدیلی تکلیف ایدرم . »  
دیورلر . بویله بر سطرلق یازی ایله ، هیچ برتبعہ مستند

اولیان بر افادہ ایله بر مملکتک اسمی دکشہ مز .  
قرق کلیسا اگر بر محذور الجاسیلہ دکشیدورسہ

یرینہ کتیریلن قرقلرایلنک ده عینی محذوری طاشیدیفنہ قائم .  
یرینہ کتیریلن بو کله عینی محذوری طاشیمقلہ بر ابر تلفظی

دھا کوچدر . بناء علیہ بونک یرینہ علمی بر تدقیقدن  
چکمک صورتیلہ مملکتک عنعنہ سنہ دھا موافق بر شکلدہ

بر اسم بولونسنی تکلیف ایدیوروم .  
داخلیہ انجمنی مضبطہ محرری احمدحلمی بک ( قیصری ) —

افندم ، اولاً بو تکلیف ، ہیئت جلیله کنز جہ نظرہ مطالعہ بہ  
آلتدقدن صکرہ داخلیہ انجمنہ کتمشدی . داخلیہ انجمنی ،

افندی ، مسئلہ حقنہ برقرار ویرمک شکلی کوسترمیورلر .  
« بو مسئلہ ، تاریخ و جغرافیا و مملکتک امر اداره سی  
نقطہ نظرندن شایان تدقیقدر . علمہ تعلق ایدر . حتی  
چوق علملرہ تعلق ایدر . بونی تدقیق ایتمک اوزرہ  
بر قومیسون تشکیل ایدہ جکز ، او قومیسون ایشی مر  
نقطہ نظرندن محاکمہ ایدرک قرارہ ایصال ایدہ جکدر ، »  
دیور .

دیمک کہ ، مسئلہ رد اولونمبور ، بلکه قبول  
ایدیلہ جکدر .

افندیلر ، بر یرہ بر اسم ویرمک ویاخود بر یرک  
اسمحنی تبدیل ایتمک ، تاریخ ، جغرافیا ، علم لسان ،

اسکی تاریخ ، یعنی قبل التاریخ زمانلرہ مائد و نائق نقطہ  
نظرندن شایان تدقیقدر . بعض اسملر واردر کہ ، بوکون

مستعمل اولان کلملر آره سنده بولمیدیفندن دولایی تورکجہ  
عدایتمہ بیلیرز . فقط بلکہ ده اولنر تورکجہ در و قبل التاریخ

زمانلردن قالمشدر . بونلر تورککرتک آنا طولی ایله ارباطلری  
اثبات ایدن ، توشیق ایدن برسنددر . بر حجت تاریخہ در .

بونلری اخلال ایتمک ، فکر ذاتی ایله تورکجہ دکدر دیمک  
بزم المزدہ دکدر . بونلر علمک و اختصاصک تعیین ایدہ جکی

بر شیدر . تشکر اولنورکہ داخلیہ وکیلی بک افندی  
مسئلہ بی صرف علمی و دقیق بر نقطہ نظرندن دوشونمش

و مجلس عالیکنزہ تکلیف ایدیورلر . مسئلہ بو صورتلہ  
تدقیق اولنورسہ او وقت هیچ بر جهتہ محذوری قالماز .

بناء علیہ وکیلی بک افندینک تکلیفلرینک قبولنی رجا  
ایدیوروم .

رئیس — اقدم ! برنجی مادہ حقنہ تعذیل تکلیفی  
واردر . او قونہ جقدر .

ریاست جلیله بہ

مملکتلریمزدن بر چوقلرینک اسمی ملی دکدر .  
بونلری تبدیل ایتمک شہسز ملی بر وظیفہ در . فقط

بو تبدیل کیفیتک اولیہ کلیشی کوزل اولماسی ده لازمدر .  
( قرق کلیسا ) بر ضرورت و محذور الجاسیلہ دکشید .

یریلورسہ یرینہ کتیریلن اسم ده عینی محذوری آرزوق

۲ — محسوب عمومی قانونک اور بھی مادہ سنک تفسیر نہ  
 دے باشہ رٹاندرہ مورد  $\frac{۲}{۲.۸}$  نومرولی تذکرہ و موازہ  
 مالہ انجمنی مضبوطی :

باش وکلندن مورد  $\frac{۲}{۲.۸}$  نومرولی تذکرہ

تورکیہ بویوک ملت مجلسی ریاست جلیلہ سنہ

اخیر آئینر اولانان محسوب عمومی قانونک اوچنچی  
 مادہ سنده اداره ساقطہ زماننده خزینہ ذمتنده قالمش اولان  
 ده پوزیتو و امانات عادیہ محسوب عمومی قانونی احکامندن  
 خارج بر اقیلہرق مجلس عالیدن تخصیصات ایله تقدأ  
 تسویہ ایدلمکده بولندینی و سالف الذکر اوچنچی مادہ ده  
 مذکور اولان امانات عادیہ ده پوزیتو ، مخلفات امانی ،  
 اجرا توقیفاتی ، نفقہ بدلاتی کی بودجه خدماتندن متولد  
 اولیان اقسام بوندن عبارت بولندینی و وفات ایلمش اولان  
 مأمورین ، ضابطان و منسوبین عسکرینک حکومت ساقطہ جه  
 کندیلرینہ و یریلہ میهرک مال صندوقلرندہ امانت قالمش  
 اولان مخلفات آنچه لری بودجه دن متولد اولق اعتباریلہ  
 امانات عادیہ مثللو تقدأ تسویہ ایدلمکده اولدینی و آنجق  
 مخلفات مذکورہ ایکی شکلده اولوب بری متوفانک چین  
 وفاتندہ ترکه سندن حاصل اولان پارہ دن مال صندوقلریجه  
 ورئہ سنہ لاجل التسویہ امانت آلانان مبالغدرکہ بو قسم  
 امانات ، امانات عادیہ دن اولوب محسوبہ غیر تابع بولنقلہ تقدأ  
 ردی لازم ککن اقسامندن بولندینی ، دیگرکی متوفانک معاش  
 و مخصصاتندن اولہرق هر نہ سبیلہ کندیسنہ و یا ایتامنه  
 تأدیہ ایدیلہ میهرک بودجه خدماتندن اولق اعتباریلہ بودجه  
 امانتی حسابندہ مقید بولنان مبالغ اولوب محسوباً تسویہ سی  
 ایجاب ایدلیکی و توقیل متوفی ضابطان و مأمورینک مال  
 صندوقلری نزدندہ غیر از استیفا قالمش اولان مطلوباتندن عموم  
 میانندہ تأدیہ ایدیلوبدہ صاحب معاشک وفات ایلمی سبیلہ  
 ودیعه شکلندہ اولہرق ورئہ لاجل التسویہ مال صندوقلری  
 نزدندہ قالمش اولان و بناء علیہ امانات عادیہ حسابندن  
 بولنان مبالغ بر موجب قانون تقدأ تسویہ سی و بودجه  
 اماناتی حسابندہ مقید اولان مبالغک محسوباً تأدیہ سی

بو مسئلهنی نقطه نظر عالیکرہ کورہ بو شکلده بر مادہ  
 حالندہ هیئت جلیلہ جه عرض ایتمشدہ یعنی داخلہ انجمنی  
 بونکله رأساً مشغول اولمش دکلدہ . معلوم عالیکرہ  
 جسر مصطفی پاشا قضا سنک لغوی مسئله سی موضوع بحث  
 اولدینی زمانده بر آرقداشمز قرق کلیسا اسمنک قرقلر  
 ایلی نامہ تحویلینی تکلیف ایتمشدی . بونک اوزرینہ شو  
 مجلس عالی تقریری نظر مطالعہ به آلمش و داخلہ انجمنہ  
 سوق ایتمشدہ . داخلہ انجمنی ده سطحی بر نقطه نظرله  
 دکل ، علاقہ دار اولان ولایتک محترم مبعوثلرینک ده  
 مطالعہ سنی آلہرق بو قرقلر ایلمنک اورالده تاریخی  
 و عنعنوی بر اسم اولدیغه قناعت کتیردکن صوکرہ هیئت  
 علیہ کزہ سوق ایتمشدہ . قبول ایدوب ایتمہ مک هیئت  
 جلیلہ کزک رأینہ محولدر .

رئیس — اقدم اعدیل تکلیفی رأیکزہ وضع ایدیورم .  
 قبول ایدنلر لطفاً ال قالدیرسون ! قبول ایتمہ یئرلر ال  
 قالدیرسون ! قبول ایدلمشدہ . اقدم برنجی مادہ نی او قویورز :  
 مادہ ۱ — « قرق کلیسا » اسمی « قرقلر ایلی » نہ  
 تحویل ایدلمشدہ .

رئیس — اقدم ! برنجی مادہ نی قبول ایدنلر ال  
 قالدیرسون ! قبول ایتمہ یئرلر ال قالدیرسون ! قبول ایدلمشدہ .  
 مادہ ۲ — اشبو قانون تاریخ نشرندن معتبردر .  
 رئیس — اقدم ! ایکنجی مادہ نی قبول ایدنلر ال  
 قالدیرسون ! قبول ایتمہ یئرلر ال قالدیرسون ! قبول ایدلمشدہ .  
 مادہ ۳ — اشبو قانونک اجرا سنہ داخلہ و کیلی  
 مأموردر .

رئیس — اقدم ! اوچنچی مادہ نی قبول ایدنلر ال  
 قالدیرسون ! قبول ایتمہ یئرلر ال قالدیرسون ! قبول ایدلمشدہ .  
 اقدم ! قانونک هیئت عمومیہ سنی رأی عالیکرہ وضع  
 ایدیورم . قبول ایدنلر لطفاً ال قالدیرسون ! قبول  
 ایتمہ یئرلر ال قالدیرسون ! قبول ایدلمشدہ .  
 روزنامہ نک ایکنجی مادہ سنہ کیورز :

وهی بك (قره سی) - اقدام بنده گز اساسنه  
عائد برشی سویله میه حکم . مجلس طالبین کچن تفسیرلر  
مضبطه شکنده بزم قانون جلدلرینک قرار قسمته کچور .  
اولدنبری متخذ بر اصول وارددر . تفسیر فقره حکمییه ایله  
کچمه لیدر . بومضبطه د. یازیلان سوزلرک فقره حکمییه سی ،  
نتیجه حکمییه سی نادر ؟ « مترقی ضابطان و مأمورینک  
ورثلرینه ویرملک اوزره امانت قاصه لرینه آلمش اولان  
معاشلر تقدأ تسویه اولنور . آنجق اصول محاسبه عمومییه  
قانونک اوتوز بشنجی ماده سننه توفیقاً بودجه اماناتی  
حسابنه کچیرلمش اولان مطلوبات مستثنادر ، بو محسوب  
عمومی قانونک اوچنجی ماده سننک تفسیریدر . نته کم کچن  
سنه داخلیه انجمننده بواصول اتخاذ ایدلرکندن دولایی  
دیگر انجمنلردن ده تفسیرلر و قرارلر بوله بر فقره حکمییه  
ویا فقرات حکمییه حالنده کلدی و بوراده او صورله  
انتاج ایدلدی . بعضاً تفسیرلر مضبطله شکنده چیقیور .  
هر نه زمان سز او ماده نك تفسیرینی او قومی ایسترسه کز  
باش وکیل بویله دیمش ، هیئت وکیل بویله دیمش ، مالیه  
وکیل بویله دیمش ، قوانین مالیه انجمنی شویله دیمش .  
ایجاب ایدرسه دها بر قاج انجمندن دولاشه رق چیقان  
تفسیرک هیئت عمومییه سنی او قومی مجبور بنده سکنز ،  
فقط نتیجه یته بودر . عمر یکزک یارم ساعتی بولزومسز  
شیلری او قومقله کچر . حالبوکه سزک وظیفه کز بو اوچنجی  
ماده نك صوک فقره سنی تفسیر ایتمکدر . اصل اولان ده  
بو حکمدر . نصل مواد قانونیه ده اسباب موجهه یا یلارسه  
حکم ماهیتده اولان تفسیرلرده یار یللاملیدر و محسوب  
عمومی قانونک اوچنجی ماده سننک صوک فقره سنک  
تفسیری دیه لیدر . بنده کز بونی تکلیف ایدیورم  
و بعدما مجلس عالی به انجمنلردن قدیم ایدیلرک تفسیر  
مضبطلرلرنده بوک چوق دقت ایدلسنی انجمنلریمزدن رجا  
ایده رز .

مصطفی بك (العزيز) - تعاملده بویله در .

موازنه مالیه انجمنی مضبطله محرری شاکر بك  
(جتالجه) - وهی بك تکلیفی اصلی ایله برابر انجمنه  
تودیع بویورمکزی رجا ایده رز .

لازم گلکده ایسه ده متن قانونده بویله صراحت موجود  
اولماسنه بناء دیوان محاسبانه خزینه بدنده قانونک مارالعرض  
اوچنجی ماده سننک محل تفسیر کورلدیگی مالیه وکالت  
جلیله سنک ۱۸ یول سنه ۳۴۰ تاریخ و محاسبه عمومییه مدیریت  
عمومییه سی ۹۰۶۳ / ۱۳۲ نومرولی تذکره سننده بیلدیرلمش اولقله  
بو بایده بر قرار تفسیری اتخاذی اسپاینک استکمالنه  
مساعده بویورولماسی استرحام اولنور اقدام .

باش وکیل نایبه

مدافعه ملیه وکیل

کاظم

موازنه مالیه انجمنی مضبطله

نومرو

۲۰

۱۵ کانون اول ۱۳۴۰

۳ نیسان ۱۳۴۰ تاریخلی محسوب عمومی قانونک  
اوچنجی ماده سننک صوک فقره سیله خزینه ذمتنده قالمش  
اولان ده بوزیتو و امانات عادیه نك قانون مذکور احکامندن  
خارج طوتیله رق تقدأ تأدییه سی قبول ایدلمش و متنده کی  
« امانات عادیه » تیسیری بودجه اماناتنه قارشو قیداحترام  
زی بی متضمن بولمشدر . موضوع بحث متوفی ضابطان  
و مأمورینک امثالی صورت عمومییه ده تسویه اولنوسندن  
دولایی علی الاصول ورثلرینه ویرملک اوزره امانت  
حسابنه آلمش اولان معاشلری امانات عادیه ماهیتی  
ا کتساب ایدره ک قانون مذکورک اوچنجی ماده سی  
حکمنه داخل بولمش اولدیغندن اصول محاسبه عمومییه  
قانونک ۳۵ نجی ماده سننه توفیقاً بودجه اماناتی حسابنه  
کچیرلمش اولان مطلوبات مستثنا اولق اوزره بوجه محرر  
امانات عادیه ماهیتی آلمش اولان معاشلرک تقدأ تسویه سی  
روح قانونه موافق تاقی ایدلمکده اولدینی هیئت جلیله یه  
عرض اولونور .

کاتب مضبطله محرری موازنه مالیه انجمنی رئیس وکیل

جتالجه

شاکر

اسپارطه

مکرم

اعضا	اعضا	اعضا	اعضا
طرزون	دیاربکر	حکاری	قونیه
شفیق	شرف	آصف	کاظم حسنی

رئیس — مضبوطی ایستور سکز ؟  
 شا کر بک (جتالہ) — اوت !  
 رئیس — اقدم ! موازنہ مالہ انجمنی مضبوطی کری  
 ایستور . وہی بک تکلیفی ایلہ برار اعادہ ای دیورز .  
 اقدم ! روزنامہ نک اوچنچی مادہ سنہ کچورز :  
 ۳ — عثمانی اعتبار ملی باقہسی مأمور لری نک زراعت  
 باقہسی مأمور لری کی مؤجلت عسکریہ ویرکوسی بلہ مکلفیت لری  
 ۳۳۱ نومرولی آانس قانونیہ قبول ایلسہ ایسہ بونک ماقبلہ .  
 دہ شمولی اولوب اولدیغندہ زرد حاصل اولدیغندہ تفسیریہ  
 وار باسہ دالندہ مورد  $\frac{3}{274}$  نومرولی تذکرہ وقوانین  
 وموازنہ مالہ انجمنی مضبوطی :

تورکیہ جهورنی  
 باش وکالت  
 قلم مخصوص مدیریتی

۱۲ - ۸ - ۳۴۰

۲۹۶۱

بو یوک ملت مجلسی ریاست جلیله سنہ  
 عثمانی اعتبار ملی باقہسی مأمور لری نک زراعت  
 باقہسی مأمور لری کی مؤجلت عسکریہ ویرکوسی ایلہ  
 مکلفیت لری ۱۵ نیسان ۳۳۹ تاریخ ۳۳۱ نومرولی آانس  
 قانونیہ قبول ایلدش ایسہده اشبو قانونیہ ماقبلہ شمولہ  
 متدائر بر قید و صراحت بولندیغندن مأمورین مومی الہم  
 حقندہ ۱۸ مایس ۳۳۸ تاریخلی مؤجلت عسکریہ  
 ویرکوسی قانونی موچینجہ ۳۳۸ سنہ سنندہ یابیلان تحقیقاتک  
 اصلاحتہ امکان حاصل اولہ مدینی جہتلہ سالف العرض  
 ۳۳۱ نومرولی قانونک اون ایگنچی مادہ سنک ۳۳۸  
 سنہ سنندہ شمولی اولوب اولدیغنک تفسیری مالہ وکالت  
 جلیله سنک ۷ آغستوس ۳۴۰ تاریخ و واردات مدیریت  
 عمومیہ سی  $\frac{749}{78}$  نومرولو تذکرہ سیلہ طلب ایلدکده  
 اولدیغندن مقتضاسنک ایقاسنہ مساعده ریاستینا هیلر تی  
 عرض واسترحام ایلم اقدم .  
 باش وکیل  
 عصمت

قوانین مالہ انجمنی مضبوطی  
 ریاست جلیله

عثمانی اعتبار ملی باقہسی مأمور لری نک زراعت

باقہسی مأمور لری کی مؤجلت عسکریہ ویرکوسی ایلہ  
 مکلفیت لری ۱۵ نیسان ۳۳۹ تاریخ ۳۳۱ نومرولو آانس  
 قانونیہ قبول ایلدش ایسہده اشبو قانونک ماقبلہ شمولہ  
 متدائر بر قید و صراحت بولندیغندن مأمورین مومی الہم  
 حقندہ ۱۸ مایس ۳۳۸ تاریخلی مؤجلت عسکریہ ویرکوسی  
 قانونی موچینجہ ۳۳۸ سنہ سنندہ یابیلان تحقیقاتک اصلاحتہ  
 امکان حاصل اولہ مدینی جہتلہ سالف العرض ۳۳۱ نومرولو  
 قانونک اون ایگنچی مادہ سنک ۳۳۸ سنہ سنندہ شمولی  
 اولوب اولدیغنک تفسیری لزومہ دائر مالہ وکالتک  
 اولیادہ کی اشعارینہ معطوف باش وکالتک ریاست جلیله دن  
 محول ۱۲ - ۸ - ۳۴۰ تاریخ و  $\frac{7}{2961}$  نومرولی تذکرہ سی  
 مطالعه و ایجابی مذاکرہ اولوندی . مذکور ۱۵ نیسان  
 ۳۳۹ تاریخ و ۳۳۱ نومرولو ایگنچی آانس قانونک  
 عثمانی اعتبار ملی باقہسی مأمور لری نک زراعت باقہسی  
 مأمور لری درجہ سنندہ مؤجلت عسکریہ ویرکوسی استیفا  
 اولنورہ دیہ محرر اولان اون ایگنچی مادہ سنی تدویندن  
 غایہ حد ذاتندہ صورت استخدا م و توظیف اعتباریلہ  
 زراعت باقہسی مأمور لری دن فرقی اولیان و انشای طرح  
 و تکلیفده بوجہت نظر دقتہ آئیہ رق قدرت مالہ و تحملیہ .  
 لری نک فوقندہ مقطوع وحد اعظمی بر ویرکویہ تابع  
 طوتولش اولان مذکور باقہسی مأمورینک عین زراعت  
 باقہسی مأمور لری مثللو معاش و مخصوصات لری نسبتندہ  
 تابع مکلیف اولدیغ لری نک تصریحندن عبارت بولدیغنی  
 جہتلہ مذکور مادہ قانونیہ نک ۳۳۸ سنہ سنندہ عثمانی  
 اعتبار ملی باقہسی مأمور لری ذمتندہ تحقق ایستدیریلن  
 مؤجلت عسکریہ ویرکولری نہ تشمیلی انجمن مزجہ قبول  
 و مانہ مالو جہلہ تفسیر اولنورہ رق ہیئت عمومیہ بہ عرض اولنورہ .

کاتب مضبوطی محرری قوانین مالہ انجمنی رئیس  
 قرہ حصار صاحب بوزوق کوشخا نہ  
 عزت علوی سلیمان سری حسن فہمی

اعضا اعضا اعضا اعضا  
 وان بازید دکزلی بازید صاروخان  
 منیب سلیمان سودی نجیب علی شفیق کمال

تورکیه

بوپوک ملت مجلسی  
موازنه مالیة انجمنی

۳۴-۱۲-۸

موازنه مالیة انجمنی مضبوطی

عثمانلی و اعتبار ملی باقهسی مأمورلرینک زراعت باقهسی مأمورلری کی مؤجلیت عسکریه ویرکوسی ایله مکلفیتلری ۱۵ نیشان ۱۳۳۹ تاریخ و ۳۳۱ نومرولی آوانس قانونیه قبول ایدلمش ایسه ده بونک مانیده شدولی اولوب اولدیغنده تردد حاصل اولدیغنه دائر باش وکالتدن مورود وانجمنیزه محول تذکره قوانین مالیة انجمنی مضبوط سیله برلکده تدقیق و مذاکره اولندی . قوانین مالیة انجمننک تفسیر آسردایتدیکی اسباب موجبہ انجمنیزجه موافق نفس الامر و شایان قبول کورلمش اولقله هیئت جلیلیه تقدیمی قرار کیر اولدی .

اعضا	کاتب	موازنه مالیة انجمنی رئیس و کلی
قونیہ	قونیہ	مضبوطه محرری
کاظم حسنی	فؤاد	چتالجه
		شا کر

اعضا	اعضا	اعضا	اعضا
حکاری	دیار بکر	سیواس	قیرشهر
آصف	شرف	خالص طورغود	یحیی غالب

قوانین مالیة انجمنی مضبوطه محرری سلیمان سیری بک (بوز اوق) - اقدم! انجمن نامنه ایضاحات ویره بچکم . اقدم! مجلس عالی ۱۸ مایس ۳۳۹ تاریخنده بره مؤجلیت عسکریه ویرکوسی قانونی نشر ایتمش، بو قانونده مؤجلیت عسکریه ویرکوسی ایله مکلف اولانلر، اوج درجهیه آیریلش . برنجی درجهده باقه مأمور و مستخدملری که مدیرده داخلدر . بورنجی درجهده اولانلر ۳۰۰، ۴۰۰، ۶۰۰ لیر اوبرکوا ایله مکلف طوتولمش و بو قانون موجبجه اعتبار ملی باقهسی مأمورلرینه شو عرض ایتدیکم برنجی درجه اوزرندن ویرکوکو محقق ایتدیرلمش . بالاخره بونلر مراجعت ایتمش دیمش لکه : بزمغودور اولوروز . نزی ده زراعت باقهسی مأمورلری کی مکلفیتنه تابع طوتیکیز . اونلر معاش نوبتنده ویرییورلر . یعنی معاش و محصصاتلرینک بوزده بری نوبتنده

ویرییورلر . بزده اونوبتنده ویرلم دیورلر . مجلس عالی ، صوک ۳۳۹ تاریخ و ۳۳۱ نومرولی آوانس قانوننک ایگنجی ماده سننده بونی قبول ایتمش و دیمش که : « عثمانلی و اعتبار ملی باقهلری مأموریندن زراعت باقهسی مأمورلری درجه سننده مؤجلیت عسکریه ویرکوسی استیفا اولونوره فقط ۳۳۸ سنه سننده چیقان اومؤجلیت عسکریه ویرکوسی حقتنده کی قانونده برشی سویلامه مش . بونک ایچون باش وکالت ۳۳۹ تاریخلی آوانس قانوننک ایگنجی ماده سننک تفسیرین ایتسه یور . مسئله ، انجمنده مذاکره ایدلدی . عثمانلی و اعتبار ملی باقهلرینده تورک کنجکلرین عددی بش و آتی بی حکمه بن بعض مأمورلر واردر . بونلرده زراعت باقهسی مأمورلری کی عینی وظیفه یی ایفایا دیورلر . ذاتاً تحقق ایدن ویرکو آز اولقله برابر کنیدیلری ایچون بک آغیر کلکده در . مجلس عالی بک ، صوک آوانس قانونی ایله زراعت مأمورلری کی بونلری ده قبول ایتدی لطفکارانه بر حرکت تلتی ایدیلرک ماده انجمنجه بونلرک لهنه اولق اوزره تفسیر ایدلشدنر و دینلمش سدرکه :

( عثمانلی و اعتبار ملی باقهلری مأمورلری ده زراعت باقهسی مأمورلری کی معاشرلی نسبتنده مؤجلیت عسکریه ویرکوسنه تابع اولسوندر ) بو باده انجمنده تنظیم ایدیلن مضبوطه حضور عالیکزه تقدیم ایدلشدنر . ( بک اعلی سسلری )

وهی بک ( قره سی ) - اقدم! انجمن رئیس و یا مضبوطه محرری بک افاده لری یازیم ساعت سوردی . دیمک که بویله هر اوقویان بر کره دوشونجه ک . نتیجه حکمیه شودر : عثمانلی و اعتبار ملی باقهلری مأمورلری : زراعت باقهسی مأمورلری کی مکلف طوتولاجق . اما نصل طوتولاجق . بو قدر سوزده دکر می ، دکر می ؟ بللی دکلدر . شمده کنز تکلیف ایدیورم . بو تکلیفی بوراده اوقویایم .

۱۵ نیشان ۳۳۹ تاریخ و ۳۳۱ نومرولو ایگنجی آوانس قانوننک ۱۲ نجی ماده سننک تفسیری :  
۳۳۸ سنه سننده عثمانلی و اعتبار ملی باقهلری مأمور-

۱۵ نيسان ۳۳۹ تاريخ و ۳۳۱ نومرولى ايكنجى آرائس قانونك ۱۲ نجى ماده سنك تفسيرى :  
 ۳۳۸ سنه سنده عثمانلى واعتبار مى بانقه لر ينك ذمتلرنده  
 تحقق ايتديربيلان مؤجلت عسكريه ويركوسى زراعت  
 بانقه سى مأمورلى مثللو معاش ومخصصاتلرى نسبتنده  
 تحقق ايتديربلر ك تصحيح واصلاح اولونور . فقره حكيمه  
 اوله رق قبولى تكليف ايلرم .

قره سى

محمد وهى

رئيس — وهى بك تكليفى رأى هاليكيزه عرض  
 ايديورم .

سليمان سرى بك (توزاق) — انجمن ده موافقت  
 ايديور پاشا حضرتلرى !

رئيس — انجمن ده بوكا موافقت ايديور؛ بوتقريرى  
 قبول اينلر لطفاً ال قالدريسين ا عكسنى رأيه قوييورم .  
 قبول ايتمينلر ال قالدريسين ا قبول اينلر ايتدم .  
 روزنامه نك دردنجى ماده سنه كچوروز :

۴ — ۲۰ شباط ۳۴۰ تاريخ و ۴۱۸ نومرولى قانونه

بر ماده منبه عهده سى ويامنكور قانونك تفسيرى صقنده  
 ۲۷۵ نومرولى باسمه و طالت تذكروه سى قوانين ماليه وموازنه  
 ماليه انجمنلرى مضبوطلرى :

نوركيه جهورتي

باش وكالت

قلم مخصوص مدبرتي .

عدد

۶

۳۴۰ ۹ - ۸

۳۱۸۳

باش وكالتدن مورود ۲۷۵ نومرولو تذكره

بويوك ملت مجلسى رياست جليله سنه

اوج بوز قرق سنه سنده نشر وتطبيق اولنان كرك  
 قانونك اولبايدهكى ماده مخصوصه سى احكامى قانونك  
 تاريخ نشرندن اعتباراً آلهنجهق نورك واپورلرينك رسم  
 كركدن معافيتنى آمر اولوب تاريخ مذ كوردن مقدم  
 صاتون آلتش اولان واپورلر ك معافيتدن استفاده ايده مه .

لرينك ذمتلرنده تحقق ايتديربيلن مؤجلت عسكريه  
 ويركوسى زراعت بانقه سى مأمورلى مثللو معاش و  
 تخصيصاتلرى نسبتنده تحقق ايتديربلر ك تصحيح واصلاح  
 اولونور . بونك ، فقره حكيمه اوله رق قبولى تكليف  
 ايدييورم .

سليمان سرى بك (بوزاق) — ايتدم ، وهى بك  
 ايتدينك آرزولرين انجمن ده اشتراك ايدر . وهى بك  
 ايتدى بو مطالعه لر نى بوسنه دكل ، كچن دوره نه ياپديلر .  
 فقط بنده كز بر ماده شككنده صريح اوله رق يازيلماسى  
 انجمنه تكليف ايتديكم وقت بو ، تفسيردر ، قانون دكلدر .  
 ديديلر . حالبوكه حكومتك بزدن ايسته ديكي قانون دكل  
 تفسيردر . بونك اسباب موجهه سى كوستر ك مدلل  
 ياييلمق لازم كلير . اكر مقصود قانون يايتمسه بر ماده  
 اوله رق يايتمق ده موافقتدر . ماده يايماق . تفسير ايتك .  
 مجلس حالى بوندن سو كره تفسيرلر ك ده ماده شككنده آرزو  
 ايدر سه ، هر انجمن يايتمه مجبوردر .

ذكي بك (موشخانه) — صراحت اولسونده فصل  
 اولور سه اولسون .

وهى بك (قره سى) — ايتدم اسباب موجهه ماده ده  
 آرانماز . بز نه نى تفسير ايدييوروز . فلان ماده ده كى  
 آكلاشلمان شى مجلس هاليكيز ايچون لازم ، ضبط  
 كچمك ايچور لازم ده تطبيق ايده جك آدم ايچون لازم دكلنى ؟  
 او حالده ايچون قانونلر ك اسباب موجهه سى طبع ايتديرميوروز  
 برابر كوتدر ميوروز . بويله شى اولماز . اصل تطبيق  
 ايديله جك فلائجى ماده . اون ايكنجى ماده نى تفسير ايدييوروز .  
 مأمورلره شامل ميدر ، دكليدر ؟ بز بوراده فقره حكيمه نى  
 تثبيت ايده جكيز . و اونكه عمل ايديله جكدر . اسباب  
 موجهه سز بز بوراده طبع ايتديره جكيز . او اسباب موجهه دن  
 سو كره فقره حكيمه خلاصه اوله رق يازيله جقدر تطبيق  
 اينلك اوزره مأمورينه ويريله جك اولان فقره حكيمه  
 مجموعله كچ جكدر . اسباب موجهه ضبط جريده سنده  
 قاله جقدر (دزغرى سسلرى)

رئيس — ايتدم ! وهى بك بر تكليفى واردر ؛  
 او قونه جق .

ملری ضرر لرخی موجب اولدیغدن بختله معافیت مذکوره نك  
 ماقبلنه تشمیلی صورتیله بوقبیل سفائن اصحابنك ده حمایه  
 و محافظه منافی اسبابنك استکمالی تورک و ابور جمعیتندن  
 با استدعا طلب ایدلمسی اوزرینه احکام قانونیه نك حالاً  
 نه صورتله تطبیق ایدلمکده اولدیغی مالیه وکالت جلیله سندن  
 استفسار قلمش و جواباً مورد تذکره ده بوقبیل سفائنك  
 تصرفنه عائد اولق اوزره دوائر متعلقه سندن ویریلن  
 اوراقك تدقیقه قانونك نشرندن مؤخر تورکار و تورک  
 شرکتلری طرفندن اشتر اولنه ورق ملی سنجاق آلتنه  
 آلدیغی تحقق ایدن سفائنك کمرک رسمی آرائنامه  
 وقانونك نشرندن مقدم صتون آلتش اولان سفائنه  
 معافیتك شمولى اولدیغندن بونلردن کمرک رسمی آرائنامه  
 اولدیغی بیلدرلمش ایسده سالف العرض قانونك نشر  
 و تطبیقده کی قصد و غایه تورک سفائن تجاریه سی اطر فده  
 دولتجه برنوع حمایه شبکه سی وجوده کتیره رک مملکتده  
 تجارت بحریه نك انکشاف و تعالیسی وبالذجه احتیاجات  
 محلیه بحریه یی تأمین و نظمیندن عبارت اولوب مملکتك  
 کچر مش اولدیغی ده بحرانی کونلرده ملی باراق آلتنده  
 سفائن بولندیران و بونی تأمین ایدنه ک اوک آتاق اولانلرک  
 قانونك دائرة شمولى خارچنده برافلملری تفسیری ،  
 تجارت وکالت جلیله سنك ۱ ایلول ۳۴۰ تاریخ و تجارت  
 مدیریت عمومیه سی ۴۶۵ نومرولی تذکره سیله طلب و تمفی  
 ایدلمکده اولدیغندن اهای مقتضاسنه مساعدت ریاستپنا  
 هیلرینی عرض واسترحام ایلرم افندم .

باش وکیل

عصمت

قوانین مالیه انجمنی مضبطه سی

هیئت عمومیه یه

۳۴۰ - ۱۱ - ۹

تورکار و تورک شرکتلری طرفندن اشتر اولان  
 تجاری سفائنك کمرک رسمندن استثناسنه دائر قانونك موقع  
 تطبیقه وضعندن اول صاتین آلتش اولان سفائنك دخی  
 مذکور قانونده کی احکام استثناییدن استفاده سنی تأمیناً

قانونك تفسیر و یاخود بر ماده مذیله تنظیمی اسبابنك  
 استکمالی لزومنه دائر تجارت وکالتك اولیاده کی اشعارینه  
 معطوف باش وکالتك ۹ تاریخ ۴۴۰ ۶ نومرولو تذکره سی  
 انجمنزجه تدقیق و اسبابی مذاکره اولوندی . قانونك  
 برخی ماده سی صراحت قطعیه یی احتوا ایتسنه و وکالت  
 مشارالیه نك طاب و آرزومی وجهله مذکور قانونك  
 اشای مذاکره سنده اعضای محترمه طرفندن درمیان  
 اولنان عین تکلیف و تمدیلاتك دخی هیئت عمومیه جه  
 رد ایدلمش اولدیغی مذکور قانونك مذاکره سنی احتوا  
 ایدن ضبط جریده لری تدقیقاندن آکلاشیللمسنه بناء  
 انجمنزجه مذکور قانونك طاب و وجهله تفسیرینه محل  
 کوریله مبرک هیئت عمومیه یه عرض اولنور .

کاتب مضبطه محرری قوانین مالیه انجمنی رئیسی  
 قره حصار صاحب بوزاق گوشخانه مبعوثی نامنه  
 سلیمان سری بایزید  
 شفیق

اعضا	اعضا	اعضا	اعضا	اعضا
نیکده	بایزید	صاروخان	دکزلی	بایزید
اسماعیل	کمال			سلیمان سودی

تورکیه بووک ملت مجلسی

موازنه مالیه انجمنی

عدد

۱۸

۳۴۰ - ۱۲ - ۸

موازنه مالیه انجمنی مضبطه سی

تورکار و تورک شرکتلری طرفندن اشتر اولان  
 بخارلی سفائنك کمرک رسمندن استثناسنه دائر ۲۰ شباط  
 ۱۳۴۰ تاریخلی ۴۱۸ نومرولی قانونك موقع تطبیقه  
 وضعندن اول صاتین آلتش اولان سفائن اصحابنك ده  
 مذکور قانون احکامنه توفیقاً کمرک رسمندن مستفید اولمیری  
 تأمیناً تفسیر طلبینی و یاخود بر ماده مذیله علاوه سنی  
 مشعر ۷ - ۹ - ۱۳۴۰ تاریخلی باش وکالت تذکره سی  
 قوانین مالیه انجمنك اولیاده کی مضبطه سیله برلکده تدقیق

قويوروم . قبول ايتمه ينلر لطفاً ال قالد برسون ا قبول ايدلشدنر ( قوانين ماليه انجمنى مضبطه سى قالد سى سى ) رئيس — قوانين وموازنه ماليه انجمنى مضبطه لرى ديمكدر . بناء عليه هرايكسى ده قبول ايدلشدنر ، اقدام ا مذاكره ايديله جك موادك بشنجه سى هنوز طبع وتوزيع ايدله مشدر . طبع وتوزيع ايدلگدن صوكره مذاكره ايدرز . روزنامه ده باشقه برشى بو قدر . بازار ايرتسى كوني ساعت برده اجتمع ايتك اوزره جاسه سى تعطيل ايدىوروم .

ختام مذاكرات

دقيقه ساعت

۴۱

ومذاكره ايدلدى . قوانين ماليه انجمنك مطالعاتى انجمنز جه وارد وموافق كورلش اولمقله اول صورتله هيت جليله به تقديمى قرار كبر اولمشدر .

اعضا	كاتب	موازنه ماليه انجمنى رئيسى وكلى
قيرشهر	قونيه	مضبطة سحررى
بجى غالب	نؤاد	چتالجه مبعوثى
		شاكر
اعضا	اعضا	اعضا
قونيه	حكاري	ديار بكر اسپارطه طربزون
فاطم حسنى	آصف شرف	مكرم شفيق
رئيس — موازنه ماليه انجمنى مضبطه سى رايه وضع ايدىوروم . قبول ايدنلر لطفاً ال قالد برسون ا عكسنى رايه		

زراعتده مستعمل مواد مشتعلك كمر ك رسى حقتنده كى قانونى معدل قانونه عائد نتيجه آرا

رأيه اشتراك ايدنلر . : ۱۵۳

قبول ايدنلر : ۱۵۳

رد ايدنلر : .

مستسكفيلر : .

قبول ايدنلر

العزيز	: حسين بك ، محى الدين بك ، مصطفى بك ، ناجى بك
ايچ ايل	: حافظ امين افندى
اذميت	: ابراهيم بك ، ابراهيم نريا بك ، مصطفى بك
بايزيد	: شفيق بك
بروسه	: رأفت بك ، مصطفى فهمى افندى
بوز اوق	: احمد حمدى بك ، سليمان سرى بك
بولى	: جواد عباس بك ، دوقتور امين جمال بك
بنغا	: ساح رفعت بك ، شكرى بك
تكفور طاشى	: فائق بك
نوفاد	: امين بك ، حاجى كامل افندى ، مصطفى وصفى بك
جانك	: جاويد پاشا ، سليمان نجى بك ، طلعت هونى بك
جبل بركت	: احسان بك
چتالجه	: شاكر بك
چوروم	: اسماعيل كال بك ، دوقتور مصطفى بك ، فريد بك
حكاري	: آصف بك ، نظى بك
درسم	: احمد شكرى بك ، فريدون فكبرى بك
دكرلى	: حيدر رشدى بك ، نجيب طاشى بك

آرتوپن	: حلمى بك
آردهان	: طلعت بك
آطنه	: اسماعيل صفا بك ، ضمير بك
آقراى	: بسيم آتالاي بك ، مصطفى وهى بك ، نشأت بك
آماسيه	: على رضا افندى ، اسمعديك ، نافد بك
آنتاليه	: احمد ساقى بك ، حسن صدق بك
آقره	: على فؤاد پاشا
ادرنه	: جعفر طيار پاشا ، حسين رفقى بك
اردو	: اسماعيل بك ، حمدى بك ، خليل صدق افندى ، رجائى بك ، فائق بك
ارضروم	: حالت بك ، رائف افندى ، رشدى پاشا ، ضياء الدين افندى
ارطغرل	: احمد هفت بك ، خليل بك
ازغنى	: احسان حامد بك ، احسان بك ، كاظم وهى بك
ازمير	: شكرى بك ، محمود جلال بك
اسپارطه	: حافظ ابراهيم افندى ، حسين حسنى افندى ، مكرم بك
استانبول	: على قنچى بك ، كاظم قره بكر پاشا
اسكيشهر	: عارف بك ، عبدالله عزى افندى



دياربكر	: فيضى بك ، محمد بك	قونيه	: ايوب صبرى افندى ، نوفيقي فكرت بك ، حاجى بكر افندى ، رفيق بك ، فؤاد بك ، كاظم حسنى بك ، مصطفي افندى ، مصطفي فيضى افندى ، موسى كاظم افندى ، نعيم حازم افندى
ريزه	: اكرم بك ، على بك ، فؤاد بك	قيرشهر	: على رضا بك ، يحيى غالب
زونقولداق	: خليل بك ، راعب بك ، طونه لى حلى بك ، يوسف ضيا بك	قبصرى	: احمد حلى بك ، ثابت بك
سمرقند	: محمود بك	كيبولى	: جلال نورى بك
سبىنوب	: يوسف كمال بك	كوشخانه	: ذكى بك
سيواس	: راسم بك ، ضياء الدين بك	كنج	: محى الدين بك
سيوهرك	: قدرى احمد بك ، محمود بك	كغفرى	: رفعت بك ، ضيا بك ، مصطفي عبدالمالحق بك
صاروخان	: حاجى ادهم بك ، كمال بك	كوتاهيه	: جودت بك ، رجب بك ، نورى بك
طربزون	: سليمان سرى افندى ، عبدالله بك	كيرهسون	: حنى طارق بك ، شوكت افندى ، حاجى محى الدين بك
غازى ميتاب	: احمد رمزى بك ، حافظ شاهين افندى ، على جناتى بك ، قنچ على بك	ماردين	: درويش بك ، عبدالرزاق بك ، عبدالغنى بك ، نجيب بك ، يعقوب قدرى بك
قارص	: آغا اوغلى احمد بك ، صمر بك	مرسين	: بسيم بك
قره حصار شرقى	: اسماعيل بك ، محمد امين بك	مرعش	: نجسين بك ، حاجى محمد افندى ، عبدالقادر بك
قره حصار صاحب	: صادق بك ، على بك ، كامل افندى	ملاطيه	: حاجى بدر آغا ، رشيد آغا ، محمود بدم بك
قره سى	: حيدر حادى بك ، عثمان نيازى بك ، على شعورى بك ، كاظم پاشا ، محمد وهى بك	موش	: على رضا بك ، عثمان قدرى بك
قسطمونى	: على رضا بك ، محمد فؤاد بك ، ولد چلي افندى	نيكده	: غالب بك
		وان	: ابراهيم بك ، حنى بك

تلفون سانترالارى موجود اولان شهر لرده فونوتلغراف اصولنك تطبيق حقتدهكى قانونك نتيجه آرامى

رأيه اشتراك ايدنلر	: ۱۵۲
قبول ايدنلر	: ۱۴۸
رد ايدنلر	: ۲
مستنكفلر	: ۲

قبول ايدنلر

آرتوپن	: حلى بك	اسكيشهر	: عارف بك ، عبدالله عزيمى افندى
آردهان	: طلعت بك	الغزير	: محى الدين بك ، مصطفي بك ، ناجى بك
آق سراى	: بسيم آتالاي بك ، مصطفي وهى بك ، نشأت بك	ايچ ابل	: حافظ امين افندى
آماسيه	: اسعد بك ، على رضا افندى ، نافذ بك	ايزميت	: ابراهيم بك ، مصطفي بك
آنظاليه	: احمد ساقى بك ، حسن صدق بك	بايزيد	: شفيق بك
آقره	: على فؤاد پاشا	بروسه	: رافت بك ، مصطفي فهمى افندى
ادره	: جعفر طيار پاشا ، حسين رفقى بك	بوزاق	: احمد حمدى بك ، سليمان سرى بك
اردو	: اسماعيل بك ، حمدى بك ، خليل صدق افندى ، رجائى بك ، قاتق بك	بولى	: جواد عباس بك ، دوكتور امين جمال بك ، شكرى بك
ارضروم	: حالى بك ، رشدى پاشا ، ضياء الدين افندى	بيغا	: ساهم رفعت بك ، شكرى بك
ارطغرل	: خليل بك	تكفور طاعى	: قاتق بك
ارغنى	: احسان بك ، احسان حامد بك ، كاظم وهى بك	توقاد	: امين بك ، حاجى كامل افندى ، مصطفي وصفي بك
ازمير	: محمود جلال بك	جايبك	: جاويد پاشا ، طلعت عونى بك
اسپارطه	: حافظ ابراهيم افندى ، حسين حسنى افندى ، مكرم بك	چتالجه	: شاكر بك
استانبول	: على فتحى بك ، كاظم قره بكر پاشا ، رافت پاشا	جوروم	: اسماعيل كمال بك ، دوكتور مصطفي بك ، فريد بك

حکاري	: آصف بك ، نظمي بك	قونيه	: ايوب صبري افندي ، توفيق فېكرت بك ،
درس	: احمد شكري بك ، فریدون فكري بك	قيصري	: حاجي بكر افندي ، رفيق بك ، فؤاد بك ،
دكزلى	: حيدر رشدي بك ، نجيب علي بك	كيبولى	: كاظم حسنى بك ، مصطفي افندي ، مصطفي
ديار بكر	: فيضى بك ، محمود بك	كشخانه	: فيضى افندي ، موسى كاظم افندي ، نعيم حازم افندي
ريزه	: علي بك ، فؤاد بك	كنج	: علي رضا بك ، يحيى غالب بك
زونقورداق	: خليل بك ، راغب بك ، طونه لي حليمى بك ، يوسف ضيا بك	كوتاهيه	: احمد حليمى بك ، ثابت بك
سمرد	: خليل خلقي افندي ، محمود بك	كيرهسون	: جلال نورى بك
سينوب	: يوسف كال بك	ماردين	: ذكى بك
سيواس	: راسم بك ، ضياء الدين بك	مرسين	: محي الدين بك
سيوهرك	: قدرى احمد بك ، محمود بك	مرعش	: رفعت بك ، ضيا بك ، مصطفي عبدالحق بك
صاروخان	: حاجي ادم بك ، كال بك ، محمد صبري بك	ملاطيه	: جودت بك ، رجب بك ، نورى بك
طرزون	: عبدالله بك	موش	: حقي طارق بك ، شوكت افندي ، كاظم بك
غازى عيتاب	: احمد رمزي بك ، حافظ شاهين افندي ، علي جناني بك ، قنچ علي بك	نيكده	: درويش بك ، عبدالرزاق بك ، عبدالغني بك ،
قارص	: آغا اوغلي احمد بك ، صمر بك	وان	: نجيب بك ، يعقوب قدرى بك
قره حصار شرقى	: اسماعيل بك ، محمد امين بك		: بسيم بك
قره حصار صاحب	: صادق بك ، علي بك ، كامل افندي		: تحسين بك ، حاجي محمد افندي ، عبدالقادر بك
قره سي	: حيدر عادل بك ، عثمان نيازي بك ، علي شعورى بك ، كاظم پاشا ، محمد وهبي بك		: حاجي بدر آغا ، رشيد آغا ، محمود نديم بك
قسطنونى	: خالد بك ، علي رضا بك ، محمد فؤاد بك ، ولد چلبى افندي		: رضا بك ، عثمان قدرى بك
			: غالب بك
			: ابراهيم بك ، حقي بك

رد ايدنلر

ايزميت : ابراهيم ثريا بك  
جانيك : سليمان نجى بك

مستكفلر

ارضروم : رائف افندي  
ارطغرل : احمد هفت بك